

Monday, December 22, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

POWER AND ELECTRICITY DEPARTMENT

Power and Electricity Department hnuaia RDSS Scheme kaltlanga Aizawl khawpui chhung cable thlak hnathawh mek chu a zatve thawh zawh a ni tawh.

Power & Electricity Department hotute sawi danin Revamped Distribution Sector Scheme (RDSS) hnuaiah Aizawl khawpui chhunga cable thlak vek tura ruahman ani an ti a, a chanve vel zawh ani tawh tih sawiin Bawngkawn atanga Kulikawn inkarah Smart City kaltlangin Ban liana thlak vek tum ani an ti a, khawpuia hrui hnawk zualpui a tih ziaawm theih a beisei thu an sawi bawk

Department hotute sawi danin chenna inchunga nizung chakna hmanga kawlphehtha siamehhuahna Rooftop Solar System atan Sawrkar laipuiin tanpuina pe in a lo kalpui tawh thin an ti a, Solar bunna tur atan Tun dinhmunah mi sang 2 chuang inziaklut an awm tawh tih sawiin dilna sang khat dawn pawm a ni tawh a ti bawk.



SUGAMYA BHARAT YOJANA

Rualbanlo te puala hamthatna sawrkar laipuiin a ruahman Sugamya Bharat Yojana hnuaiah Mizoram sawrkarin hmalakna hrang hrang a kalpui.

Rualbanlote tana hamthatna hrang hrang a awm theih nana sawrkar laipui ruahman chu Mizorama rualbanloten a hlawkna an chan ve theih nan hmalak zel a ni a, Social Welfare & Tribal Affairs Department hotute chuan Mizoram rualbanlote tan disability pension department kaltlanga pekchhuah thin a ni tih an sawi.

Department hotute sawi danin Mizoram district dangah department kaltlangin mumal takin pension sem thin a ni an ti a, National Social Assistance programme hnuaiah sorkar laipui atangin rualbanlo pension hamthatna an dawng thei tih sawiin sorkar laipua Ministry of Social Justice and empowerment hnuaia directorate te pawhin rualbanlo te puala hamthatna buaipuitu NGO te tan tanpuina a dil theih an ti bawk.

Department hotute chuan Mizoramah rualbanlote tan Federation of Mizoram Disabled Organisation pawl thar a ding an ti a, Mizorama National Institute of Locomotor Disorder (NILD) hnuaiah wheelchair, ke lem siam a theih tih sawiin Zoram Medical College ah an inbunthar bakah mamawh tan pan theih an ni a ti bawk.

Unique Disability ID (UDID) chu rualbanlo ten hmthatna an dawn na tura neih ngei ngei tur thil a ni a ti a, hei hi ngaipawha rualbanlo chhungte pawhin ngaihven sak se an duh thu sawiin UDID nei tur chuan district hospital panpui phawt

a, doctor ten an lo enfiah hnu ah Board in certificate a ziahsak theih reng a ti a, Hamthatna dawng duh tan neih ngei a ngai an ti bawk.



SNIFFER DOG

Mizoram Police ui fing ‘Canine Squad’ te chu tangkai taka hman thin an ni a, District 4 ah dah niin ruihhlo leh misual chhui kawngah Mizoram Police tan an thawh hlawk hle a ni.

Mizoram Police chuan kum 2020 khan ui fing 8 leiin thla 9 chhung training tir an ni a, heng an ui fing lei te hi chhawr theih tawh niin Aizawl, Lunglei, Champhai leh Kolasib ah te dah a ni a, tun dinhmunah pakhat chu chhawr zui theih ni tawhlo mahse ui fing 7 chu tangkai taka chhawr chhunzawm zel an ni.

Mizoram Police hotute sawi danin an ui fing te chu hmang tangkaiin ruihhlo chhui chhuak thiam bik leh mihring chhui chhuak thiam bik turin zirtirna hranpa an pe a ti a, a bik takin ruihhlo chhui kawngah an chhawr nasa tih sawiin lirthei endikna atang leh hmun hrang hranga ruihhlo chhui kawngah an thawh hlawk hle tih a sawi.

Mizoram Police ui fing 8 zinga 3 hi misual hnu chhui thiam an ni a, 3 dang hi ruihhlo chhui thiam niin pakhat chu puakthei thil chhui thei a ni a, a dang pakhat chu mibo leh vanduai thil – in chim a awm a mihring zawng chhuak thei niin nikuma Sairang rel kawnga lei chima mihring zawna ah pawh tangkai taka hman a ni.

Ui fing te hi German Shepherd Dog (GSD) - 4 leh Labrador Retriever - 4 an ni a, GSD pakhat hi sing 5 niin leh Labrador Retriever hi sing 4 in lei a ni a, Ui enkawltu tur Handler 8 leh Asst. Handler 8 lak an ni bawk a ni.



OPHTHALMOLOGIST

Naupangten mit hrisel zawk an neih theih nan inchhungah phone khawih lova pawna thiante nen infiam tir a pawimawh hle tih mithiamte’n an sawi.

Akashvani Aizawl in Civil Hospital Eye Department-a HoD Dr Lalhuthangi Hmar a kawmnaah he thu hi sawiin, tunlaia mit lam harsatna tawk an buaipui tam ber chu tarmit chawh ngai an ni deuh vek ati a, nitin Civil Hospital OPD ah mit tha lo 100 vel an en ziah tih sawiin, heng zinga zaa 40 vel chu tarmit chawh ngai an ni thin a ti a, school chawlh laia naupang mit inentir tam zawk pawh tarmit vuah ngai an ni chu paw a ti hle tih sawiin naupang ten phone an en nasat lutuk chuan mitmu a thang vak a, tarmit minus power hmanga lo siamthat a ngai thin a ti a, mithiamte chuan naupangin inchhungah phone emaw TV leh gadgets dang emaw khawih ngut ngut lova pawnah thiante nen an infiam chuan a tarmit power minus 5 a pung tur kha a veng thei tih an sawi a ti a, naupang ten mit hrisel zawk an neih theih nan hmanlai nun dan anga kir leh a, naupangte chu inchhungah khung lova an thiante nen zalen taka pawna infiam tir a pawimawh hle tih a sawi a ni.

